

Útkomið í A-deild Stjórnartíðindanna.

*Vidauki við reglugjörð fyrir Ræktunarsjóð Íslands 8. júlí 1901, undirskrif-
aður af ráðgjafanum fyrir Ísland 15. desbr. 1902 (A nr 45, bls. 138—139).*

*Tilskipun fyrir Ísland um breyting á tilskipun fyrir Ísland 2. marz 1900,
sbr. tilskipun 13. sept. 1901 um tilhögun á löggæzlu við fiskiveiðar fyrir utan land-
helgi í Nordursjónum, undirskrifuð af konungi 19. desbr. 1902 (A nr. 46, bls.
140—141).*

*Auglýsing um samning milli Danmerkur og Rússlands um mælingar skipa,
undirskrifuð af ráðgjafanum fyrir Ísland 29. desbr. 1902 (A nr. 47, bls. 142—143).*

*Auglýsing um vidaukagrein við verzlunar- og siglingasamband milli Dan-
merkur og Ítalíu frá 1. maí 1864, undirskrifuð af ráðgjafanum fyrir Ísland 29.
desbr. 1902 (A nr. 48, bls. 144—145).*

**Brjef ráðgjafans fyrir Ísland til landshöfðingja um inntöku- 1
próf við lærða skólann.** Með brjefi, dagsettu 29. ágúst f. á., hafid þjer, 17. jan.
herra landshöfðingi, sent hingað, álit það frá efórum hins lærða skóla og rektor,
sem beiðzt var í brjefi ráðaneytisins 3. júlí f. á., um erindi frá Ó. Halldórssyni
skrifstofustjóra viðvíkjandi því, að umgetnir stjórnendur skólans eigi virtust leyfa
að haldið sje inntökupróf við lærða skólann í byrjun skólaársins, nema sjerstak-
lega standi á.

I yfirlýsingum sínum um málið, sem þjer í nefndu brjefi yðar tjáizt fall-
ast á, halda stiptsyfirvöldin og rektor því fram, að um inntökupróf eigi framvegis
að fylgja þeirri venju og þeim reglum, sem nú gilda, samkvæmt því sem mælt
er fyrir um í brjefum stiptsyfirvaldanna frá 1. október 1894 og 19. maí 1896
og auglýst er af rektor í hinum árlegu skólaskýrslum; því hefir prófið
venjulega samkvæmt brjefi kirkju- og kennslumálaráðaneytisins frá 14. septbr.
1852 verið haldið fyrir lok hvers skólaárs, þó svo að piltum, sem ganga ætla inn
í fyrsta bekk, er og leyft að ganga undir próf í byrjun skólaársins, — en það
sjest nú reyndar eigi af auglýsingu rektors. Slíkt leyfi er ekki veitt piltum,
sem ganga ætla inn í aðra bekki skólans; nema sjerstakar ástæður sjeu þartil,
og sjest það af brjefi stiptsyfirvaldanna frá 19. maí 1896, sem hingað hefir ver-
ið sent í endurríti, að meðal slíkra ástæðna er eigi talin löng og örðug ferð
lærisveinsins.

Sem ástæður fyrir hina síðastnefndu reglu hefir stjórn skólans talið sum-

14. dag marzmánaðar 1903.

1 17. jan. part það, að kennendur skólans, einkum rektor, hafi svo miklar annir fyrstu dagana af skólaárinu, og að æskilegt sje, að piltar, sem ganga ætla inn í einhvern af efri bekkjunum, gangi undir prófið með lærisveinum skólans um leið og þeir fara upp í viðkomandi bekk, sumpart það einkanlega, að það sje einmitt lærisveininum sjálfum í hag, að prófið sje haldið í júnímánuði, og að ekki megi tefja fyrir upptöku hinnar reglulegu kennslu í skólanum vegna inntökuprófa. Það er þá talið sjálfsgagt, að ekki sje heimilt að nota neitt af sumarleyfinu til að halda þessi próf.

Ráðaneytið hefir eigi getað sannfærzt um það af þessari röksemdaleiðslu, að nauðsyn sje á að setja strangari skilyrði, svo sem stjórn skólans heldur fram, um heimild fyrir piltar, sem ganga ætla inn í efri bekk skólans, fyrir því að ganga undir inntökupróf í byrjun skólaársins, því að ástæða virðist til fyrir skólann, einmitt eptir því sem til hagar á Íslandi, að vera mjög eptirlátur að því er það atriði snertir, á hvaða tíma inntökupróf er haldið. Ráðaneytið felist því á það, að inntökupróf sje venjulega haldið, eins og hingað til, í lok skólaárs hvers, en álitur rjett, að leyfi fáiist til að ganga undir inntökupróf í byrjun skólaárs, eigi einungis þegar ræða er um inntöku í neðsta bekk, heldur og þegar um inntöku í efri bekkina er að ræða, enda sjeu skilyrðin fyrir því að ganga undir inntökupróf á haustin ekki höfð ströng, svo að það t. d., að lærisveinninn þarf að takast á hendur langa eða kostnaðarsama ferð prófsins vegna, skuli ávallt skoda sem forföll á því að mæta við lok skólársins. Ráðaneytið væntir þess jafnframt að stiptsyfirvöldin annizt um, að prófum þessum verði hagam svo, — ef með þarf, með því að nota þar til hina síðustu daga sumarleyfisins, — að eigi þurfi það að tefja fyrir kennslunni í skólanum.

Þetta er yður til vitundar gefið til leiðbeiningar fyrir hlutadeigendur og til birtingar í B-deild Stjórnartíðindanna.

2 3. jan. **Brjef landshöfðingja til stiptsyfirvaldanna yfir Íslandi um lántöku-leyfi handa Berufjarðarprestakalli.** Samkvæmt tillögum yðar, herra amtmaður, og yðar, herra biskup, í brjefi, dagsettu 30. f. m., og beiðni hlutadeiganda, vil eg hjer með veita samþykki mitt til þess, að presturinn að Berufrði síra Benedikt Eyjólfsson taki uppá prestakallið 800 kr. embættislán, er endurborgist á 20 árum samfleytt frá lántöku að telja með jöfnum afborgunum, til þess að byggja á prestssetrinu íbúðarhús, 12×6 áln., úr timbri og steini, tvíloptað, með kjallara undir því hálfu, og að öðru leyti með því fyrirkomulagi, sem nákvæmara er tiltekið í nefndu brjefi yðar. Að öðru leyti er lántökuleyfi þetta þeim skilyrðum bundið, að vel verði gengið frá húsinu að öllu leyti, og það sannað með skodunargjörð tilkvaddra hæfra manna undir umsjón prófasts; að húsið verði eign staðarins í stað baðstofu, búrs skála og skemmu, að presturinn haldi því í váttrygging gegn eldsvoða fyrir 1200 kr. að minnsta kosti undir eptirliti prófasts, og að presturinn skili því á sínum tíma í gildu standi eða með fullu álagi.

Þetta er yður til vitundar gefið yður til leiðbeiningar og frekari birtingar.